



Republika e Kosovës
Republika Kosova - Republic of Kosovo
Qeveria - Vlada - Government

Ministria e Bujqësisë, Pylltarisë dhe Zhvillimit Rural
Ministarstvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development

Kabineti i Ministrit / Kabinet Ministra / Cabinet of the Minister

Datë: 12.09.2022
Ref. KM.624 / 22

Në mbështetje të nenit 145 (paragrafi 2) të Kushtetutës së Republikës së Kosovës, duke marr parasysh nenet 8, 9, 10 dhe 11 të Ligjit Nr. 06/L-113 për Organizimin e Administratës Shtetërore dhe Agjencive të Pavarura (Gazeta Zyrtare Nr. 07, datës 01 Mars 2019), duke u bazuar në nenin 8 (paragrafi 1.4), dhe nenin 15 Shtojca, 1, pika 11 të Rregullores (QRK)-NR.02/2021 për Fushat e Përgjegjësisë Administrative të Zyrës së Kryeministrit dhe Ministrive (30.03.2021), në bazë të nenit 8, (paragrafi 8.2), të Ligjit Nr. 02/L-53 për Gjuetinë, (Gazeta Zyrtare, Nr. 8, 01 janar 2007), nenin 5 të Udhëzimit Administrativ MA - NR. 11/2007 për Sezonin e Gjuetisë (datë 14 shtator 2007), Udhëzimin Administrativ (MEA) Nr.12/2020 për shpalljen e llojeve të egra të mbrojtura dhe strikt të mbrojtura të dt.15.12.2020, si dhe nenet 2, 3, 4, 6 dhe 11, të Udhëzimit Administrativ (MBPZHR) Nr. 02/2008 Për përdorimin e armëve dhe municionit të përshtatshëm për gjueti (datë 03 mars 2008), Ministri i Ministrisë së Bujqësisë, Pylltarisë dhe Zhvillimit Rural, nxjerr:

V E N D I M

Për Hapjen e Sezonit të Gjuetisë 2022-2023

1. Shpallet i hapur sezoni i gjuetisë për periudhën 2022-2023 për lloje të caktuara të kafshëve të egra, në tërë territorin e Republikës së Kosovës.
2. Sezoni i gjuetisë shpallet i hapur nga data 18.09.2022 (E Diel, 18 Shtator 2022).
3. Gjuetia do të zhvillohet në reduktimin (zvogëlimin) e llojeve të caktuara të kafshëve dhe shpezëve të egra, sipas nenit 14 të Ligjit Nr. 02/L-53 për Gjuetinë, dhe në harmoni me planet e menaxhimit me vend gjueti të aprovuara sipas legjislacionit në fuqi.
4. Aktivitetet e gjuetisë, mundë ti organizojnë vetëm menaxherët e vendgjuetive të cilët kanë të hartuar dhe aprovuara planin dhjetë vjeçare (10) të menaxhimit të vend gjuetisë sipas nenit 42 dhe planin vjetor të menaxhimit të vend gjuetisë sipas nenit 43 të Ligjit Nr. 02/L-53 për Gjuetinë dhe duke u bazuar në dispozitat e Udhëzimit Administrativ Nr. 08/2008, Për përmbajtjen, mënyrën e hartimit dhe procedurat e aprovimit të planeve menaxhimit në vend gjueti të dt. 21.03.2008. Vendgjuetitë të cilat kanë të aprovuara planet e menaxhimit sipas legjislacionit në fuqi janë: "Lipjani Lindje", "Lyboteni" Kaçanik, "Kroni I Ftoftë" Hani I Elezit, "Shala" Mitrovica e Jugut, "Graçanica" Graçanicë, "Bjeshka" Fushë Kosovë, "Ferizaji" Ferizaj, dhe "Lojza" Deçan.

Në rast se ndërkohë ndonjë nga vendgjetitë pajiset me plan të aprovuar gjate kohës se sezonës se hapur mund të ushtroi aktivitetet e gjetisë sipas këtij vendimi.

5. Gjahtarët mund të marrin pjese ne gjueti, nëse kanë te dhënë provimin për gjahtarë, neni 11 i Ligjit Nr. 02/L-53 për Gjuetinë, Kualifikimi i gjahtarëve dhe vlerësuesve të Trofeve, dhe sipas kriterëve të Udhëzimit Administrativ Nr. 23/2007, Programi për aftësimin e kuadrove në gjueti (datë 14.09.2007), si dhe të ketë lejen me shkrim nga menaxheri i vend gjuetisë.
6. Gjuetia do të organizohet vetëm gjatë ditëve të Diela.
7. Organizimi i Gjuetisë në bazë të këtij vendimi do të bëhet nga menaxheret e vend gjuetive, si dhe nën mbikëqyrjen e organeve përgjegjëse te MBPZHR dhe të Komunës përkatëse ku zhvillohet gjuetia.
8. Gjuetia e kafshëve të egra duhet të bëhet në përputhshmëri të plotë me nenin 5, 8, 9, 10, 11 dhe 14 të Ligjit Nr. 02/L-53 për Gjuetinë, si dhe me dispozitat e Udhëzimit Administrativ MA – Nr. 11/2007, Për Sezonin e Gjuetisë.
9. Obligohet Ministria e Bujqësisë, Pylltarisë dhe Zhvillimit Rural - Departamenti i Pylltarisë, Agjencia e Pyjeve të Kosovës, Ministria e Punëve të Brendshme, Policia e Kosovës (Drejtoritë Rajonale dhe Njësitë Komunale të Policisë), Agjencia e Ushqimit dhe Veterinës, Drejtoritë Komunale kompetente për Bujqësi dhe Pylltari të Republikës së Kosovës, Federata e Gjahtarëve te Kosovës, dhe Menaxheret e vend gjuetive për zbatimin e këtij Vendimi;
10. Vendimi do të publikohet në Gazetën Zyrtare të Republikës së Kosovës, Ueb faqen e Ministria e Bujqësisë, Pylltarisë dhe Zhvillimit Rural, dhe në media të shkruara sipas legjislacionit në fuqi.
11. Ky vendim hynë në fuqi ditën e nënshkrimit.



Vendimi iu dërgohet:

- Kabinetit të Ministrit;
- Departamentit të Pylltarisë - MBPZHR;
- Agjencisë së Pyjeve të Kosovës;
- Ministrisë së Punëve të Brendshme – Policisë së Kosovës (Drejtorive Rajonale dhe Njësitë Komunale të Policisë);
- Agjencisë së Ushqimit dhe Veterinarisë;
- Drejtorive komunale kompetente për Bujqësi, Pylltari dhe Zhvillim Rural;
- Federatës së Gjahtarëve të Kosovës;
- Menaxherëve të vendgjuetive,
- KFOR-it;
- EULEX-it; dhe
- Arkivit.